

古丈坪廳志卷七建置四目錄

建置第二

最先表紀之三屯防下

建置之一



知撫民事董鴻勳撰

錄古丈坪僭辦均田授給鄉勇並裁塘兵百名任支口食

奏畧節錄三

節錄古丈坪等處修建礮卡均田開屯會奏摺

嘉慶六年節錄四

湖廣總督書麟望

節錄苗疆均田輿情踴躍摺

嘉慶三年節錄五

湖督吳熊祀

節錄奏陳苗疆事宜條摺

道光元年節錄六

刑部侍郎張映蛟

古丈坪廳志

卷七

一

前案會議覆奏

道光元年

湖督陳若霖

摘鈔均田屯守酌議條款

嘉慶五年節錄七

鳳凰同知傅鼎

古丈坪均屯經久章程紀畧

嘉慶十年紀畧六

湖提督阿禮

奏覆修理屯田紀畧

紀畧一

古丈坪豁減屯租紀畧

紀畧二

奏覆古丈坪屯田不能附近□卡

節錄苗疆事宜八九

修葺礮卡

道光六年節錄九

湖督高紹鏞

最先表紀之四

古丈坪土弁表 表一

土弁紀 紀一

土司更名土弁紀 節錄川內第二條 陳嘉慶元年 善後二章

節錄前案部覆

酌定拔補苗弁章程飭知 道光二年

張應蛟

奏覆考拔苗弁章程一

苗備弁給劄章程 道光二十八年 督撫奏准咨覆

苗官升補章程二

會籌酌給新設土備弁餉銀摺 嘉慶二年

總湖廣督 畢沅

節錄前案部議 嘉慶三年正月准咨

古丈坪廳志

卷七

二

節錄奏陳苗疆善後事宜九款疏畧 康熙四十四年

湖撫 趙申喬

苗疆要務五款奏摺畧 雍正五年

總湖廣督 傅敏

稟丈收古丈坪苗繳佔田

摘錄乾嘉乙丙年平苗紀畧 紀畧一

節錄古丈坪修建苗倉 節錄二

奏補苗兵不敷口糧並製備軍械紀畧 嘉慶十一年

部覆 紀略二

奏籌補苗兵閏月口糧紀畧 嘉慶十年紀畧二

苗夫當差定章 節錄道光元年辰沅道詳錄三 應增應

趙文在

錄古丈坪僭辦均田授給鄉勇並裁塘兵百名住支口食奏  
畧

戶部奏湖廣總督吳熊光等奏鳳凰等廳分授均田鄉勇並現有生業苗兵住支鹽糧工食等因一摺嘉慶九年十一月奉  
硃批該部議奏欽此欽遵到部據奏稱鳳凰廳云云古丈坪保靖縣原議屯勇四百名應均田二千畝次第僭辦至裁存土塘苗兵令其開山種地撙節工食所餘買牛置具漸次安頓應將現可耕種謀生之土塘苗兵酌減工食以節糜費畧古丈坪裁去一百名由司道會議具詳前來臣等伏查苗疆酌留鄉勇及土塘苗兵截至嘉慶八年止實存鄉勇三千五百二十二名土塘苗兵實存一萬四千九百三十六名原因均田未竣鄉勇未經

授田窮苗無可謀生驟難裁減是以按定奏章支食鹽糧工食今丈收之田陸續分授口食有資土塘苗兵亦經廳弁令其開山種地漸次安置得所實可自謀生業不致流而爲匪臣等覆加體察均係實在情形應將已經授田勇丁及現有生業之土塘苗兵住支鹽糧工食以節糜費所有未經授田鄉勇及裁存土塘苗兵仍分別支給統俟來年均田全竣另議裁撤等語臣等伏查湖南苗疆地方平定之後撤回官兵酌留鄉勇並安設塘兵分別給食以資防守嗣經該督撫續議均田全竣次第裁撤欽奉

諭旨兵勇應否裁撤總以苗情安靜爲度節省數月錢糧殊不足計等因是以截至嘉慶九年除陸續裁撤外尙存鄉勇塘兵所

需鹽糧工食照舊支銷在案今據該督等奏稱鳳乾鄉勇業已授田於本月住支鹽糧等語查前項鄉勇既已授田歸屯裁去鹽糧於經費邊防兩有裨益自應照所奏辦理其土塘苗兵經該廳督率苗弁令其開種撙節現有五千名可以耕種謀生於本年十月初一日住支工食等語查原議塘兵原爲收養窮苗起見今現可以謀生自無庸給與工食亦應如所奏辦理仍令該督等將現存鄉勇苗兵仍照例支食鹽糧工食造入報銷案內題報查核至稱中畧古丈坪廳屯兵一百名所需地畝該處尙須丈清期於來年秋收後一律報歲另議裁撤等語應令該督等轉飭該廳將各處未均田畝趕緊清丈分給鄉勇歸屯俟兵勇全撤之日妥定章程分別造冊奏咨立案以固邊圉而垂久

遠是否有當伏候

皇上訓示遵行謹

奏嘉慶九年十一月十八日奉

旨依議欽此

節錄古丈坪等廳縣修建碉卡均田開屯會奏摺

嘉慶六年

湖南廣總督書麟  
南巡撫祖之望

奏爲會籌苗疆邊備經久之計漸撤留防裁減經費仰祈

聖鑒事<sup>臣</sup>等伏思理苗之道不外勦撫兩端防邊之策務使兵民相

間屯以衛民衛以實堡有聖堡以資生計尤必有碉卡以固防維均田屯勇寓兵於農而後民氣日固兵威日壯加以約束苗弁明示勸懲庶可久遠相安其間情形或有不同而辦理必須劃一鳳凰廳乾州廳云云其永綏廳今昔情形不同俟欽奉

諭旨後與古丈坪保靖等廳縣一體籌酌辦理<sup>臣</sup>等統籌全局公同熟商如此布置周密聯絡聲勢所有留防兵勇擬先撤添防官兵一千名春耕後再撤添防鄉勇一千五百名秋收後將原防兵次

第裁撤其土塘苗兵二萬名原係從前留防苗兵內裁減之數爲羈縻窮苗起見俟邊防完固各廳縣措置妥協後陸續全行減撤一切屯丁牛具籽種房屋修費酌量緩急通幅撥借毋庸請項開銷其建立碉卡處所及均田屯勇章程統俟辦理完竣之日分別奏咨立案以垂久遠謹

奏嘉慶六年正月十七日奏奉

硃批因時制宜務期妥協兵勇應否裁撤總以苗疆安靜爲度節省數月錢糧殊不足計欽此

節錄苗疆均田輿情踴躍摺 嘉慶八年

湖督吳熊光  
撫高 紀會奏

臣等伏思均田一事固專爲衛民起見然小民每多顧恤目前產業倘因官爲督率稍涉勉強卽非固圉安邊之善策查得楚南苗疆東南北三面周圍七百餘里乾隆六十年匪苗滋事如鎮筸之上下五崗 中 以及古丈坪之龍鼻嘴等各路民田或被佔据或遭蹂躪自大兵戡定邊民始得漸次復業惟是

國家經費有常防邊兵勇不能久而不撤遽行裁回則邊備空虛各該處紳民於廢復情形均所躬親目擊咸知身家非碉卡不能保護碉卡非練勇不能駐守練勇非屯田不能養贍是以一經勸諭於復業內酌量均出以養丁勇無不踴躍樂從各就地方情形秉公安設 中 古丈坪境內設碉卡十餘所募勇一百名約需田五百

古丈坪廳志

卷七

六

畝該處山多田少恐均不足數卽就近查明苗典內地民田籌款贖回按數分給 中 竊思安邊之法除屯田之外別無良策在邊民逼近苗巢者固樂以有餘之產業而杜無窮之後患卽離苗較遠亦知唇齒相依且所挑壯勇皆係土著民人其所授田而耕者非捐戶之親族卽本戶之子弟名爲均畝歸屯而實與各種已業無異此外如近邊無糧墾田及贖回苗典民田輸之於公亦只官爲經理與各處均田一律分勇承耕官吏不能藉以侵漁而丁民實可永資耕守並各該壯勇等旣皆效力於邊防復皆嫻習於武藝倘致資生無策必致管束爲難是屯田非僅以固圉並足收數千百族貧民轉爲駕輕就熟之用是以上年偶有乾麻二處生監囿於私見欲圖控阻及曉以大義隨卽悉願均輸現有乾麻瀘等各

屬士民多人親至<sup>臣</sup>高杞衙門具呈以前此一二人之阻撓恐掩衆百姓之公忱呈詞剖白均極懇切當卽傳進面詢僉稱屯勇原是就我百姓親族子孫自種自守稍有知識者斷無不感激樂從除札飭傅鼎將未均之田趕緊辦理一俟均足另將丁勇田數造冊並酌定經久章程送部查核外所有<sup>臣</sup>等會議緣由謹曾同恭摺覆

奏

節錄奏陳苗疆事宜條摺 道光元年

刑部侍郎 張映蛟

奏爲楚省苗疆應行籌酌事宜請

旨飭交查議事竊 臣 前於

召見之日蒙

皇上垂詢苗疆緣口奏不能詳備謹遵

旨繕摺恭呈仰祈

聖鑒 臣 上年在湖廣總督任內七月有餘苗疆遠隔湖南尙未及親

履其地然因邊境緊要於到任後卽隨時遇事體訪又檢委熟悉該處情形之員密往查勘尙未據覆到多有應因時調劑者敬爲  
我

皇上一一陳之

古丈坪廳志

卷七

八

一屯丁承種均田應請循照定案作爲世業也查初設屯丁皆於均田之戶挑補是以經久章程案內奏明如遇屯丁缺出准其子弟頂補作爲世業近年風聞屯丁出缺該處之委員及屯官等間以隨帶私人頂充應請

飭令該督撫臣責成辰沅道將鳳凰乾州永綏古丈坪等苗疆地方確實查明凡有屯丁缺出仍令均田等戶之子孫兄弟頂充作爲世業概不得以外人攙雜而永樂利

一額征屯租宜量爲輕減也查古丈坪等處土性礮瘠上等田遇豐年每畝不過收淨穀四石而應繳租穀每畝正數雖止一石八斗加以挑運盤費斗面折耗總須二石二斗方敷完納所餘不及一半再除牛工籽種每畝僅得一石加以遞年帶征更形



竭蹶查前項歲收租九萬餘石而每年支銷各款實只八萬石此八萬石內虛糜浮濫可以裁汰者不少卽如苗兵操演其火藥鎗械歲銷二千餘石又如歲修提工廟宇津貼等款名目似屬緊要但近日風聞均有名無實又如屯官之書識跟丁自應如該處現食鹽糧之練勇撥充何必另行召募更可節省應請飭下督撫臣責成辰沅道確查原定額收租數按戶安畝量爲輕減則苗民仰沐輕賦咸臻熙皞矣

一苗疆廳縣應寬積儲以資安輯也查苗防項下歲有餘租四千石原爲接濟苗民之用自嘉慶十一年設屯防起迄今計十五年應積存六萬餘石臣風聞現在儲備僅存一千五百石何至如此之少應請

飭下該督撫臣嚴督辰沅道將歷年倉儲澈底清查究應實存若干因何短少查有虧短將應積穀石如數追賠務令實儲在倉永爲苗民緩急之濟

一差役毋許拘傳苗人以杜詐擾也查善後案內奏設苗弁凡苗人訟案應到質審者令往傳喚以免差役藉索近聞日久弛禁甚有假差擅入苗寨勾引窮苗認爲義子門徒妄控股實苗人語言不通無由控訴積忿日久慮生事端應請

飭令該督撫臣曉諭查禁如有差役私入苗寨者准屯官鎖押解廳詳辦庶苗民安業以上各條該臣在任時體察苗疆有關利弊之事謹就平日鈔錄所及陳列奏聞惟求

天恩飭令湖廣督臣湖南撫臣逐細詳查案據妥議覆奏請

旨施行是否有當理合繕摺恭奏伏乞

皇上聖鑒訓示謹

奏奉

上諭據張映蛟奏湖南苗疆舊定章程原欲使苗民永遠樂業相安無如近日漸就廢弛如摺所稱屯丁出缺屯官自以私人頂充其屯丁子弟轉致失業苗疆租賦應從輕減但減租先須省費現在支銷既多有名無實之歛自應減汰其七廳縣倉穀貯備早潦如有虧缺更宜嚴行查辦至差役私入苗寨本干嚴禁應飭廳縣各衙門實力奉行以上各條着陳若霖會同左輔查明籌辦務令苗民不受侵擾之累地方緩急有備撫字得宜庶永享綏安之福也欽此

前案會議覆奏

道光元年

湖廣總督陳若霖  
南巡撫左輔

一據刑部侍郎臣張映蛟奏稱屯官以私人頂屯丁缺等語查古丈坪五廳縣額設屯丁七千於均田之本戶授田令其耕守奉爲世業洵屬寓兵於農之法凡遇屯丁辭退病故開缺自應查照章程頂補不得外人攬越臣等飭該道遴選諳農之屯弁督令百總小旂等勤加訓課多開塘堰以期瘠土可肥庶地利收而民生厚於屯政大有裨益

一據刑部侍郎臣張映蛟奏稱汰冗減租等語查屯防佃租額征九萬餘石惟歉年逋欠纍纍征收短拙臣等將歷年支銷以及收租各數詳細核算如條奏內應裁各款除津貼營兵穀業經該道詳裁外其苗兵火藥等款悉行裁汰以減苗租又廳縣等

官辦公穀酌留一半足敷撫綏賞賚之需又各處倉廩應行歸併又修理水衝沙刷田土支銷多少原難預定現有漢商息銀此後修理卽於息內實用實銷不必預爲定數致啟虛冒經費旣減租賦卽可從輕於民苗佃種田土內按則派減租穀一萬八千石以籽佃力民苗永沾樂利矣

一據刑部侍郎臣張映漢奏稱苗租項下宜寬積儲等語臣等查苗疆自嘉慶十五年改立屯防經前撫臣阿林保奏請通省養廉內攤捐銀六萬兩以四萬買穀分儲廳縣以二萬存儲道庫以爲儲備如遇屯田歉收卽將此項銀穀借給屯練口食嗣因頻年動墊經前撫臣廣厚核查奏准分別追賠照數歸補又苗倉積儲一欸係支發苗糧項下豐年盈餘存在苗倉以爲積蓄

計十年至十九年除支發外應存穀二萬一千七百五十三石五斗十九年清查案內奏豁苗備弁借領穀六千五百餘石並前傳道以倉廩抵穀一萬三百九十七石共存苗倉積穀一萬七千九百六石以銀一兩作穀一石統計屯防積備苗倉積儲兩項共應存七萬八千餘石均爲籌備屯防緩急之用<sub>臣</sub>等飭據該道查明前兩項穀實因收租缺額支放無資逐年動借支用並無侵欺情弊<sub>臣</sub>等現擬恭摺奏請借欸歸補以實邊儲

一據刑部侍郎<sub>臣</sub>張映漢奏稱禁止差役逕傳苗人等語<sub>臣</sub>等查原定章程凡苗人控訴詞訟必須質訊者卽令苗弁傳喚不許擅差兵役入寨妄拏<sub>臣</sub>等現經嚴飭該道廳衙門如有公事應需勾攝苗人卽令該處苗弁往傳送審嚴禁兵役不得擅入苗

寨如有以勾攝爲由擾累苗衆卽從嚴責懲以輯邊宇

道光元年十一月內閣奉

上諭陳若霖等奏議查辦苗疆事宜一摺前據張映漢奏當降旨交陳若霖左輔會同詳擬茲據該督等覆奏鳳凰五廳縣額設屯丁章程應於均田本戶頂補其屯官以隨帶私人頂充者着悉令退回開缺至屯防佃租原額過重着照例於民苗佃田內按減租穀一萬八千石其苗倉積儲銀穀歷年動缺現已加恩准其借欸歸補至差役擅入苗寨本有例禁嗣後務遵舊章凡有勾攝公事由苗弁傳喚其兵差藉詞擾累者查出按律重辦苗舉人如有願赴京會試者照本省舉人之例給與公車銀兩仍嚴禁書吏需索俾令踴躍觀光再苗疆遠處邊隅如准鹽不能接濟着准其照湖北歸州等縣之例聽民買食川鹽但不得過

十斤之數該督等督飭該道董率廳縣實心經理加意撫綏以副朕乂安邊圉至意欽此

摘鈔均田屯守酌議條款

嘉慶五年

鳳凰同知傅鼎

一每勇丁十名內點放小旂一名五十名內點放督陣一名大旂一名行營一名一百五十名內點放總行營一名畀以責成而資管束該行營大小旂及散丁如能奮勇者遇有缺出准其遞相拔補以示獎勵倘怠惰誤公卽行斥革

一苗疆田地向來只言田種斗石若干不知頃畝之數今逐一用漕尺步弓丈量計籽種一斗約折實田一畝五分每勇一名給種三斗折田四畝五分小旂每名給種三斗五升折田五畝二分五厘大旂督陣每名給種四斗折田六畝行營每名給種四斗五升折田六畝七分五厘總行營每名給種五斗折田七畝五分

一勇丁應分之田自應將附近碉卡哨台者撥給承種但碉卡哨台

多而地窄附近之田不敷分給只可於後路酌量撥補其田距邊較遠勇丁不便往種聽其或佃給貧民或自令子弟親赴代耕皆聽其便惟須嚴查不得任意典當其田地逼近苗寨者着各苗弁具保佃給苗民承種苗各半分租雜糧民三苗七照分至勇丁不便充當者亦准呈明退役另行驗充但不得私行頂缺

一附近碉卡之山地酌撥給勇公同種植雜糧蔬菜添補丁眷口食並作牧放埋葬之用

一勇丁終歲勤動其一年所獲以資全歲之糧但勇丁賢否不一恐不知節儉者稍有蓋藏卽賤糶濫用迨青黃不接遂有枵腹之虞應將所收稻穀提出十石存儲公倉交總行營管理每日給米二升按旬支收以資口食計全歲需穀七石二斗尙欠<sub>存</sub>二石八斗所

有礮卡哨台牆濠房屋械具遇有損壞卽令該勇丁修正牛隻倒斃亦令該丁公同買補卽於此項餘穀內提用按月由該總行營據實報銷如有多餘以備下年盈絀相牽免致掣肘

一各勇丁每名分田四畝五分苗疆山田瘠薄僅種穀稻所收無多單丁尙可敷用有家口者卽難度活責令各丁佈種春麥秋菽並雜糧蔬菜以資補濟可免拮据所種各項於收後令其呈交十分之二存倉以爲添製軍械綿襖號帽號鞋之用

一各勇丁造具花名總冊一本如有頂糧卽於冊內註明某丁係何年月日頂補某丁之缺以備查核

一勇丁年逾五十或革故障亡出缺令該團總散聖頭保甲於各屯壯丁挑補先儘均田最多之家以儘陣亡帶傷子弟再次儘曾經

出力之人保送須擇其年力精壯而勤慎者選定之後仍須會同該管總散行營大小旂出具保結呈送廳道驗准通報立案

一召勇丁如禦賊陣亡傷亡及出力後病故遺缺若該丁有子弟業已成丁鎗械熟習卽准保送驗補如年未及歲或未歲而身小弱技藝生疎仍不准充交各總聖頭歸入餘丁項下給田養贍

一礮樓哨台只能在內守禦不能居住家口安放什物每礮樓哨台十餘座另建一卡俾勇丁家口俱在卡內居住糧食牛具均有安頓之所各勇分爲兩班上班者在礮防守下班者回卡照料挨旬替換以均勞逸

一酌量夷險或七八里四五里以礮卡哨台二十餘座爲一段每總行營一名分管一段所有此段一切事宜該總行營經理

一各勇丁專爲守邊而設技藝不可生疏一遇農隙卽須操演務令技嫻胆壯進退有方至秋成後除每碉按一四七日自行操練外仍令半月一次每段碉卡眾丁合操令該管總散行營及各碉卡大小旂教習廳員會同將弁不時考察倘有生疎惰怠惟該行營大小旂是問

一沿邊地方緊要苗情叵測未可以情形安堵防範稍疎凡遇農忙耕作之時每碉卡哨台勇丁一半力田務留一半放哨守望以防匪徒乘虛潛入一有警動衆勇丁一面向前堵禦一面保護婦女牛隻歸卡吹角放鎗招呼鄰近碉卡應援如有慌張逃避及不相救援者查出重處並將該行營大小旂寺分別斥革插前枷示如遇左近場期碉卡哨台只准一二人趕場卡內亦不過酌令數人

趕趁不許多人遠出其外出者須迅速趕回不許逗留延久再該勇丁等專以耕作防堵爲事無事之時只准在本卡開舖營趁及附近數里內挑賣柴草不許遠出貿易房屋倉廩俱燒瓦蓋造卡內不許搭蓋草棚每夜碉樓哨台以五人輪流守更其卡內有門樓炮台望樓几座每座每夜派勇五人擊梆防守按更替換行營大旂輪班查點如敢違悞卽行斥革

一每逢場期准令民苗兩相貿易各卡門務須查明不准苗人混帶鎗械進內民人及勇丁等與苗人買賣皆須照價持半各汛員弁親往彈壓

一苗疆地方水田旣少現在充公皆旱田山地勇丁得田四畝五分卽豐稔之年所收稻穀不過十三四石若所收之田距碉卡稍遠



不能親自耕種者須標給貧民僅能對半分租所得更爲無幾令其再三樽節僅敷一歲之糧倘遇旱潦不齊卽難足食一逢歉歲窮苗愈多防守更爲吃緊眾勇丁等枵腹荷戈何能固守必須爲籌備一日之糧以資荒歉戰守兵每名每日食米一升一年需米三石六斗爲數甚多殊難措辦查附近苗疆之後路各州縣地方實賴邊勇出力防維方能安枕似應共議相幫眾擎易舉俾得有所積儲庶可有備無患也

古丈坪均屯經久章程紀畧

嘉慶十年

湖  
南廣南  
提總巡  
督督撫  
仙瑚阿  
鶴圖林  
林禮保

湖南乾州古丈坪五廳縣歷年籌修石工汛堡屯卡若干座均應設丁駐守古丈坪屯丁百名茲按地方夷險礮卡之疏密分別派駐並仿貴州九衛屯田之制於屯丁內挑設小旂總旂百總以資管束散丁每名給田四畝五分小旂每名給田五畝五分總旂每名給田六畝五分百總每名給田七畝五分俱於均出田畝內就近撥給並已於各屯卡內蓋造房屋倉圈每丁五名給牛一隻犁耙一付每丁各給鋤鎌一付俾該勇丁居住耕守贍養有資不費糧餉以勇丁分佈各沿邊之礮卡與各路營汛塘房交接聯絡聲息相通設有警動一礮鳴角放鎗隣近礮卡營汛均可接應立時赴援庶匪苗不敢乘隙窺伺邊境永慶敕甯矣伏查古丈坪等廳

縣與苗寨毘連原設勇丁以資防守今均已授田歸屯據該撫等酌核情形留兵分駐仿貴州九衛之制於屯丁內挑設百總等分別授田分佈各屯於邊防實有裨益應如所奏辦理

奏覆修理屯田紀略

御史賀熙齡奏稱各廳縣屯防田土附近山溪每多山水衝壓原  
籌有修理工本穀三千餘石近聞田土衝壓均令佃戶自行修理  
無力興修乃聽荒廢等語<sup>臣</sup>等查古丈坪等七廳縣均出屯田共  
十三萬餘畝除分授屯長屯丁及老幼丁領耕外餘俱照佃收租  
以供經費苗疆跬步皆山溪水湍激均屯田畝遍布於山坡溪岸  
之間每當溪水漲發田被衝壓事所時有屯防項下籌有修理田  
穀遇有衝壓隨時勘明修復核實報銷今檢查近年佃報水衝沙  
壓之案隨時飭委廳縣屯弁動項開修並照例免減租穀內有衝  
壓無多佃戶自能守理經委弁議請毋庸動項者亦有山水漫淹  
旋即消退經委弁議請無庸修整者均經核實報銷無從侵蝕亦

無佃戶無力興修聽其荒廢應飭該道凡遇衝壓之田遵照舊章  
隨時動項開修實用實銷勿使侵蝕

古丈坪豁減屯租紀畧

道光二十九年湖廣提督會同湖南巡撫會奏統減屯租一成畧曰古丈坪等七廳縣均屯田土前因多有水衝沙壓其餘亦皆礮薄地利無多茲據該道詳報各廳縣共計衝壓較久基址無存實在不能修復田六百九十三畝零共失額租五百八十三石應請照例豁除其餘礮薄屯租請查照歷辦成案酌減一成並減去穀七千八百二十八石<sub>臣</sub>等查苗疆屯田多係依崖傍嶺坳澗臨溪其中平曠之地甚少每遇春夏山水衝注多有衝壓相應籲懇

天恩分別豁減俾苗佃咸沾樂利此後收租自必踴躍輸將

坳道詳報情形

辰沅道呂湛恩詳畧曰均屯減租各冊內乾瀘麻三處與鳳凰廳情形相似其永綏古丈坪保靖三廳縣田土雖有原分等則按冊確查未能一律若以上中下三則執爲定法則減租必有等差惟有於道光元年減定屯租原額內除十八年清查案內豁除失額及此次勘報失額各租外擬請酌減一成庶幾民苗實惠均沾矣

奏覆古丈坪屯田不能附近礮卡

節錄苗疆事宜九款  
第二條

查乾鳳永三廳均田最多所授之田均於駐守處發給耕守惟古丈坪保靖兩廳縣均出田畝較少且零星散在各處不能一律在於附近礮卡撥給是以該廳縣屯丁四百名往往有所守在此而所授之田在彼者該屯丁或有召佃收租或有令子弟往耕相安已久各屯田均已撥定實無可以撥換之田自應仍循其舊至屯田原有肥瘠不同前經傅鼎攢送田形畫片畝分細冊將給丁田畝水旱牽搭註冊存檔不能更移屯丁事故出缺向歸該廳縣驗補卽以田撥給書吏無從撥換<sub>臣</sub>等仍飭該道督飭廳縣嗣後驗補屯丁務須遵照舊章如查有書吏舞弊撥換及屯丁當賣田畝立卽盡法懲治以杜弊端而收實效

修葺碉卡

節錄覆奏苗疆事宜九款  
第一條內開 道光六年

湖廣督臣 嵩孚  
南撫 康紹鏞

查古丈坪等五廳縣沿邊及裏圍後路一帶修建汛堡屯卡碉樓哨台礮臺關門關廂一千一百七十二座又邊牆一百一十里分兵駐守因建立多在高峻風雨飄搖易於坍塌每修一處或數十兩至百餘兩不等各前道限於經費僅將緊要之處修理每年約六七十座需用銀三千餘兩惟每年僅修數十座委因限於經費以致不能按座修培其裏圍後路各碉卡先因苗氛未靖建以防護近城以通糧運迨添建沿邊碉卡以後裏圍後路無關扼要久未修理以致日久頹壞<sub>臣</sub>於上年春間札飭前護道逐加查勘將沿邊及裏圍逐加修整派兵駐守仍嚴飭該道隨時查察一有坍塌立即修補據實報銷不得借稱經費不足任其損圯並不許兵

古丈坪廳志

卷七

二二二

守擅離以固邊隅



土弁紀

土弁者何襲元明長官司之舊也元明之間土司之權重且專藉以耽保苗人少安邊境而土民之供役亦苦雍正初滇撫臣鄂爾泰者洞悉其弊乃倡改土歸流之議議上而事輒行其言曰前明新闢邊疆故其以夷治夷出乎一時權宜之計今乃相沿既久遂任以盜治盜寃以千古莫治之名夫長官司之苛虐其下也其徵取百倍于上其驅役動失其時長官一取子婦土民乃三載不敢昏誅一有罪則罪及所親必納墊刀數十金而後可土苗罔識厥繇梗于聞見乃相戒曰國令則然獸窮則齧因而走險反噬者有之夫土苗專制死命於其酋不令隸屬有司致任絕於本朝之德政則其寸光習睹有若瞶聵無惑乎蜀

犬見堯亦大肆其搏噬矣奏上

報可隨授方略計擒策撫不數年內若容美長官之田旻如永順之彭氏等悉獻土而歸流南徭西猓相率風靡此鄂公戡定西南功德在民而長官司之舊號所由革也由雍迄嘉相去六七十載羣苗繼起迭叛抑又屢老我師然而鄂公往矣善邊籌者寂無聞焉厥有傅公肅以區區守土之吏乃能奮發於其間而其捍大患禦大災燦然復明於世豐功偉烈遙與鄂公相輝映而土弁之所因所革遂得聞其詳夫乃知長官之權去土弁之利微於是向之隔扞者通于是苗之嚮化者至矣吁以前明一成不變之酋一革而爲千古莫易之法殆亦善深長思也哉其法維何則曰以苗隸弁以弁隸官而統系于兵備道標之下



紀土弁

石把七古丈坪廳設土守備初任者也方辰沅巡道傅鼎均田之政明效大著廳民感動咸請均三留七其裁留土塘苗兵與民屯自是兩事古苗馴良無佔人田土及作叛人產應入官者石把七獨力捐水田二百二十畝以比於均三留七之例而非強佔叛產之倫是田坐落乾州廳境二百數畝坐落廳境者十畝有奇故廳之土租甚少石把七時有田三千餘畝爲人公正好善土備之傑出者年七十餘歲今其孫爲諸生家雖累世分析亦尙稱中人云

土司更名土弁紀

節錄川督和琳奏陳湖南苗疆等後章程條摺內第二條

嘉慶元年

苗疆百戶寨長名目應酌量更定以專責成也查川黔楚三省如酉陽銅仁永順等處從前均係土司嗣後各土司等陸續呈請歸流始改設州縣營分統歸文武管轄其苗寨內只設百戶寨長如內地之里正保甲而已設立之初原因苗人懼見官長如遇犯細故卽令百戶爲之處分如必須勾攝到官亦必令百戶等但該百戶等人微權輕苗衆既不甚聽約束且向例漢人亦准承充更無非奸蠹無藉之徒無事則專意欺凌有事則全無控馭甚屬無益近來百戶之數漸濫漸多無所考其爲誰點放<sub>臣</sub>揣時度勢雖不便仍立土司名目但此次各降苗內節經隨同打仗出蒙力

恩賞給翎頂者頗不乏人應於此等降苗內擇其明白曉事眾所推服者照各省土司之例每一營分酌設一二人爲土守備土守備之下酌設土千把外委等俾令管束苗民其額數之多寡以所管之寨落多少爲定仍由督撫衙門給割點充嗣後凡有民苗格鬪竊盜等事均着落此種土官緝拏辦理該土弁等並歸文武地方官約束倘遇督撫提鎮查閱營伍巡視邊境應令該土弁等前來參謁核其管理苗民眾心是否悅服隨時分別獎賞陞革以示懲勸至苗境內塘汛雖撤而往來大路未便仍令阻隔應請將原有塘汛令該土弁另將苗人挑選安設以俟應遞送文報公務差遣之用此項苗人立定數目並照屯兵之例酌給錢糧另籌閒欸支用如遇文武大小各員因公往來巡查

經由苗地不免需用人夫應令一並當差給與價值與漢民一體相待以示體恤

節錄前案部覆

一苗疆百戶寨長名目應酌量更定一欸應如該總督伯和琳所奏辦理至塘兵既經議撤往來文報必須照舊遞送其原有塘汛地方令該土弁挑選誠實苗人逐汛安設專司遞送並照屯兵之例籌欸支給錢糧如遇因公往來官員亦令苗人當差給予雇價均應如所奏辦理

酌定拔補苗弁章程飭知

道光二年

張應蛟

爲飭知事照得鳳凰乾永古四廳及保靖一縣地方遼闊羣苗雜處從前原設百戶寨長約束苗人嘉慶元年苗疆善後事宜案內因百戶等人微權輕苗眾不能聽其約束經

宮保伯部堂和 奏准酌量寨落多寡設立苗守備千總把總外委責令管束苗人凡苗人格鬪竊盜等事卽着落該苗弁等緝拏辦理並經管遞送公文應付差使職任攸關未可草率茲核原奏內稱擇其明白曉事眾所推服者點充由督撫衙門給劄歸地方官鈐束而於該苗弁等事故出缺其應如何考拔之處未經議及檢查歷年辦過成案或送道驗拔飭詳或拔定詳道核轉辦理殊覺叅差惟思弁缺大小各殊各廳縣道路遠近不

等若均由廳縣揀拔具詳固屬漫無區別然俱令紛紛送道驗拔又恐曠職誤公酌定嗣後遇有苗弁缺出除附郭鳳凰廳無論守備千總把總外委照舊送道驗拔飭知詳辦外其乾州永綏古丈坪保靖各廳縣應先將苗弁出缺緣由具文報道如守備千總由廳揀選年深幹練應拔之弁二三名開具履歷事實保送赴道驗取拔補如把總外委徑由廳縣查驗拔補詳道核轉其拔補所遺係千總缺仍照前由廳縣送道驗取辦理係把總外委缺仍照前由廳縣驗拔具詳如此立定章程庶歸畫一而昭慎重此札

奏覆考拔苗弁章程紀畧

御史賀熙齡奏屯百總總旂小旂向由廳縣詳道拔補並不送道  
驗看近聞皆須赴道屯丁向以其親屬頂補近則應補者失業不  
應者賄求苗弁例由道拔近則書吏舞弊又漢民遇有干涉苗人  
事件地方官輒差役往提需索甚至擅行鞭責詈辱苗弁苗人向  
有椎牛祭鬼之習近聞此風復起等語<sup>臣</sup>等查古丈坪等五廳縣  
原設小旂總旂百總遇有缺出惟鳳凰與道同城由廳詳道驗補  
給委餘俱由廳縣驗補又各廳縣總散屯長缺出向由道□苗備  
弁遇有千把外委缺出由苗備擇明白曉事之苗弁苗日送廳縣  
驗明詳道轉詳拔補內除鳳凰苗備弁並各處苗備千把送道查  
驗外餘俱由廳縣詳補並不送道是皆循舊例並無更改至屯丁

缺出卽以該丁之子孫弟侄親屬頂充間有民求補丁田並屯丁  
呈請加補均須查照冊籍果係有業歸公及從前陣亡勞績作爲  
逃亡故絕丁缺卽以此項餘丁挨補至漢人不許擅入苗地結姻  
久奉飭禁各墟場交易令各屯弁親往彈壓不許市儈奸欺今查  
平苗以來遇有苗人詞訟概令苗弁傳送並令各苗弁按季出具  
有無漢民入寨切結由廳縣加結賚道並移飭營汛一體飭禁至  
苗人疾病災眚向延巫私宰聚衆禳解名爲作鬼自嘉慶十二年  
奉禁之後各苗咸遵現飭各廳縣及苗弁各就管寨稽查如有前  
項情節卽督同寨長將本犯及巫師並坵和人等送官究治如  
扶同狗隱或親身自犯立拏詳革以肅禁令

苗備弁給劄章程 道光二十八年督撫奏准咨覆

古丈坪五廳縣共設苗守備千把外委四百八十六名向由廳縣保送辰沅道驗看詳由督撫提督會印給劄第查道標屯弁拔補章程把總由道考驗詳請咨部給劄外委額外由道給委把總升千總詳送撫 臣 考驗千總升守備詳送督 臣 考驗今以苗弁微員卽外委亦須詳由督撫給劄事涉煩瑣應請將苗備弁拔補援照道標屯弁章程嗣後苗外委把總改由道給劄苗十總劄付改詳由巡撫鈐印繕發苗守備劄付准其詳由總督鈐印給發兵部查苗官一項據稱向由督撫提臣會印給札未免紛繁應如該督等所奏辦理以歸簡易

苗官升補章程紀畧

一據奏稱苗官賢否宜加甄別以示懲勸也查苗疆額設備弁原只令其催收租穀及緝捕犯徒應請嗣後於年終甄別一次責成該廳留心稽查如果勤慎奉公約束散苗安靜承催租籽全完將該把總外委列爲一等予以超擢如苗千把在任五年辦公妥協並無過悞卽拔補苗守備如苗守備在任五年辦公妥協記功一次再歷三年如果始終不怠俟巡閱營伍之年歸於查看苗寨案内奏請賞加都司銜以示鼓勵其循分供職者列爲二等如有擅離苗寨索詐苗眾或怠玩悞公催租不力按其情節輕重記過責懲降革辦理等語兵部查甄別苗官係爲綏靖地方起見應如該督所請嗣後額設備弁均在年終甄別一次如果勤慎奉公把總

外委准其列爲一等予以超擢千總在任五年無悞准以苗守備拔補守備在任五年無悞准予記功一次再歷三年始終不怠奏請加都司銜其循分供職列爲二等仍令該督等轉飭各廳縣隨時稽查如有擅離苗寨詐索苗人或怠玩悞公催租不力卽分別懲辦

奏會籌酌給新設土備弁餉銀摺

嘉慶二年湖廣總督畢沅

奏爲會籌酌給苗疆新設土弁餉銀以資撫輯恭摺奏請

聖鑒事

臣

等查四川屯練降番案內土守備一名每年給銀二十兩

土千總一名每年給銀十六兩土把總一名每年給銀十二兩  
土外委一名每年給銀八兩今此項苗弁僅令管束本處苗民  
本與川省雜谷金川之屢奉征調者有間自應酌量遞減以示  
區別 臣等會籌酌議將苗守備一名每年給銀十六兩苗十總  
一名每年給銀十二兩苗把總一名每年給銀八兩苗外委一  
名每年給銀八兩云云如蒙

聖慈俞允該苗弁等既得體面又得餉銀自更互相効順不敢爲匪  
實屬籠絡羈靡以苗治苗之良法此項苗弁現俱點充給劄將

古丈坪廳志

卷七

三二

來察等分別升降賞革以示勸懲云云



節綠前案部議

嘉慶三年正月准咨

戶部咨開湖廣司案呈先准暫署湖廣總督姜晟咨稱據湖南

布政按察

兩司會同糧儲道鹽法道詳稱准

兵部咨大學士等奏酌

給苗疆新設土弁餉銀一摺嘉慶二年四月初九日奉

旨依議欽此當經移行遵照辦理去後茲准辰沅道成甯造具驗放  
苗弁姓名寨落清冊移送前來查冊開乾鳳永古四廳及保縣  
共設苗守備三十二名苗千總六十五名苗把總一百二十六  
名苗外委二百六十三名以上總共四百八十六名苗守備每  
名每年給銀十六兩共需銀五百一十二兩苗十總每名每年  
給銀十二兩共需銀七百八十兩苗把總每名每年給銀八兩  
共需銀一千零八兩苗外委每名每年給銀六兩共需銀一千

五百七十八兩每年應給銀兩請照依乾隆四十七年鎮筭等  
協營額設苗目工食之例在於司庫地丁銀內動支所有本年  
應給各苗弁工食應請目嘉慶二年四月初九日奉

旨之日起至年底止先由辰沅道在於撥解留防軍餉銀內動支由  
司在於地丁欸內解還歸欸至嘉慶三年應給銀兩由辰沅道  
赴司請領按季支發每年將發過各苗弁工食銀兩分晰造冊  
送司專案咨銷理合將送到清冊及每年應給苗弁餉銀細數  
並應動銀欸具文咨請戶兵二部示覆等因云云應如所咨辦  
理仍咨覆該督可也

節錄奏陳苗疆善後事宜九款疏略

康熙十四年

湖南巡撫 趙喬申

鎮筸紅苗種類甚繁僻處高山荒野地境不毛不耕不賦性則悍愚慣爲竊攘自古不通聲教我

朝中外一統薄海同風不忍異視聽其行爲不法自蹈鋒刃蒙

皇上特遣大臣統師壓境恩威並用以服其心苗卽感畏傾心歸誠者三百餘寨計戶口四千五百二十三成丁八千四百四十八今每丁願輸雜糧二升共納糧一百六十八石九斗六升又先經大兵臨巢之時內有毛都塘諸寨逃匿窮岩自辰永沅靖道移駐之後俱各悔罪歸誠披剃入冊俱應於康熙四十四年起征但紅苗既已歸誠編戶納糧與民一體茲初入版圖而善後事宜自當斟酌方可垂之永久臣謹詳議九款

古丈坪廳志

卷七

三四

一苗邊文武之事權宜專也武員約束兵丁巡查汛地或苗人穴鬪亦聽文員移會撥兵彈壓

一苗民盜劫及搶奪殺傷等事俱應照內地州縣命盜之例以

治苗人

一紅苗捉人勒贖之例宜嚴也

一土官之責成宜專也五寨司土官土民均應聽該廳官統轄

管理

一添設廳官之關防宜給也鑄給乾州同知及鳳凰營通判等

關防印信

惟時古丈坪尙未戒廳嗣於雍正年始設通判

一新設移駐各員應照邊俸以示鼓勵也苗疆邊地各營汛既有邊餉則文員亦應仿擬

一新設移駐各官之廨舍宜置也  
一土司之子弟宜訓也苗民子弟宜設義學教育  
一接壤之邊隙宜息也黔楚苗人毋得越境滋擾操戈構釁按  
此皆在古丈坪未改流以前之事節錄此摺以見從前經營  
苗疆之故迹而其疏密迥異者則時爲之也

節錄苗疆要務五款奏摺畧

雍正五年

湖廣總督傅敏

一請禁民苗結親民娶苗婦生子肖其外家虜殺拒捕視爲常事凡已婚者姑免離異其聘成者目本年爲始不許違例嫁娶犯者從重治罪已經婚娶之兵則遠移別汛民則著保甲取結汛守弁員稽其出入

一兵民與苗借債賣產尤宜禁絕漢民柔奸利愚苗之所有哄誘典當田產或借貸銀穀始甚親嫗騙其財物後卽圖賴苗不識丁不能控訴卽告官無不袒護百姓者苗有屈無伸甚則操刀相向伏草捉人報復無已請日後除糶糶糧食買賣布帛等項見錢交易毋庸禁止至民與苗借債賣產責之郡縣有司兵與苗借債賣產責之營協汛弁自本年爲始許其自首勒限贖還犯者照例治罪

失察官弁嚴加叅處

一苗邊惡習凡有平等事或力難洩忿或控斷不公卽投入苗寨勾引多人潛入內地不論何人墳墓斲棺斷顱不論何姓人牛非殺卽擄丟放仇帖云某人與我有仇我故將爾出氣被害之家執帖鳴官官畏拏苗惟其仇家是問其仇家不堪追迫勢不得不出資取贖重償燒理地方官苟且偷安不復追究兇苗以致愈無忌憚請自後凡有勾苗殺掘等事務將勾引之人與行兇之苗嚴拏正法官如憚苗不拏僅據仇帖者以不職例叅處

一苗人拒捕宜專責營弁擒拏苗地多深山絕壑銃礮無一不備凡有犯罪者非負嵎卽拒捕申報上司令文武協拏此推彼諉年深事冷上司亦不深求因而無所顧忌請自後專責營員仍不許擅

拏平民塞責苗地不產硝磺亦不能打造烏鎗明係奸民私造轉  
賣自後宜比照販賣出洋例治罪地方官以失察例叅處  
一鄰省苗獠殺虜郡有司詳經咨緝動經旬日鄰省官弁既無處分  
又憚拏苗每以并無其人申報請自後各省邊疆鄰苗有越省殺  
虜者仍治以疎防之罪其緝捕之責專歸鄰省邊界文武官弁以  
到之日爲始一體勒限緝拏如協拏不力照本地官弁例叅處

摘錄乾嘉乙丙年平苗紀畧

乾隆六十年乙卯正月貴州松桃苗石柳鄧倡亂湖南永綏苗石三保鳳凰苗吳隴登吳半生乾州苗吳八月等羣起響應各據寨以待二月

命大學士雲貴總督忠銳嘉勇公福康安督兵征湖南苗川督和琳會勦閏二月雲貴四川兩道兵夾攻逆苗石柳鄧大破之畧定黔邊合兵入湖南七月大兵大破苗匪於大烏草河遂乘勝渡河并克猿猴寨狗腦坡古丈坪等寨苗防備覽載是月初二日大軍破賊古峭營會江督福甯將軍公興肇觀成等率兵夾攻烏草河破之諸軍乘勝渡河生擒逆苗龍老發等八十餘人二十一日進攻盛花哨古丈坪分兵攻狗腦等寨皆克之而劉君輔亦勦破米惹

等寨嘉慶元年丙子十二月大軍分兵疏通鎮筵大路進駐得勝營晒金塘舊司坪箬子坪等處數十寨詣營乞降二年二月以乾州等處難民尙難謀食瀘麻永保四縣均賑至五月苗疆平三月大軍凱撤仍酌留兵防守

稟丈收古丈坪苗繳佔田嘉慶十一年 傅 鼎

敬稟者竊古丈坪應均田五百畝先經職道 囑廳營妥辦茲據同知李丹山都司鞠申鰲轉據士民造册請職道 親履察看該士民頗知向義已如數呈均復有該廳所屬苗備石把七帶同弁目呈出田地二百二十畝據稱弁等雖係苗人久居邊內顛懇一體均田等語職道 查該苗弁備寨洛無幾是以前次稟

奏案內未經議及茲既據呈出田畝又現設有土塘自應一律挑留苗兵以資捍衛職道 當即委員開丈造册於本月初二日由龍鼻嘴一帶查修碉堡工程行抵保靖督率委員高誠王占魁等儻辦分田建倉事宜守備許望文等又收佔田一千六百餘畝此時苗人倍知向化將從前隱匿者全行報出俱令補丈入册不使稍有

古丈坪廳志

卷七

三九

遺漏職道 擬於日內馳往永綏籌辦未完屯務仍當恪遵  
奏案并恭奉

諭旨將繳出田畝及此次叛產割明畛畔分別收租約束苗備等不得藉此擾累強令各寨苗人一概派出并隨時甄別苗弁及挑留精壯土塘苗兵以收實效再職道 此次查辦沿邊屯防凡遇民苗交涉事件卽督同該廳縣秉公審訊倘居民內有懷挾舊仇混控苗人希圖拖累者立予重懲並嚴禁胥役不准入寨滋擾務於輯綏之中持以公允俾邊隅永慶又安除將各廳懸縣士民均出田畝及苗繳佔田分別趕丈造册另容申報外所有屯田全數均足佔田妥速丈收及趕辦一切緣由合肅稟

聞恭請云云

節錄古丈坪修建苗倉詳十四年

爲墊項修建苗倉詳明立案事案照辰沅道詳稱均田經久章程八條內開伏查苗繳佔叛田土撥給良苗耕種豐穩之年可收籽粒二萬餘石經各苗弁於各寨內自行擇地建倉以備收儲除挑留苗兵口糧每名歲給口糧三石六斗外尙餘籽粒穀石積存苗倉以備撥補并爲加給苗兵閏月口糧之用是前項以建倉厥似可無庸更易惟苗人存儲籽粒向以竹離草扇和泥遮蓋名爲土倉既甚窄小又不堅固每至春夏間雨水淋漓卽有滲漏租亦霉變必須如法另建倉廩方資收貯此八條內仍應籌建苗倉之原委也又十二年奏准均田未盡事宜七條內開各苗弁呈出己業田并各寨苗人呈出爭佔田土仍令苗人佃種征租穀石卽於原

設苗兵內搜捕勇往不習工作者挑出一千名每名加稻穀雜糧一升歲需三千六百石其餘穀石變價爲酌製子藥號衣號帽之需前項稻穀雜糧每年秋收後向各佃戶征收內如苗兵加增口糧係隨時支放其應行變價穀石當存至次年陸續糶賣亦須建倉收存此七條內應行續建苗倉之原委也查各廳縣每年應收前項穀石因散儲各倉便於支放其所需倉廩亦應各寨合建是以間數稍多茲於各苗寨收建收支倉一百一十二間內古丈坪二間又每年餘存籽粒穀石自十年至今已積萬餘陳陳相因以備撥補遇有潮濕應隨時晒晾以免霉變所需倉廩亦應寬爲修建以敷收積而便盤量本道又於各苗寨修建積儲倉一百一十三間內古丈坪一間所用工料於苗佃租穀項下通挪墊請目



嘉慶十四年爲始仍於苗租項下分作五年繳欸歸還除將用過工料銀兩照依則例核實另行造報外所有修建各廳縣苗倉間數及墊用工料理合造具簡明清冊詳請察核批示立案等情奉批布按二司會議詳辦等因本司等查各該廳縣每年應取前項穀石自應於各寨建倉以資收儲又每年餘存籽粒亦應將倉廩寬爲修建所有銀兩均在苗佃租穀墊發應請照議自十四年爲始仍於苗租項下繳還歸欸緣奉批議相應詳請察核批示祇遵

奏補苗兵不敷口糧

并製備軍械

紀畧 嘉慶十一年部覆

湖南巡撫奏稱苗兵口食不敷應籌加給并籌製備子藥火繩等項以資飽騰而備操演調遣也查古丈坪等廳縣挑留苗兵原議以苗入呈出佔田叛產佃給窮苗認種分租爲苗人口糧業經遵照奏案辦有成效惟各寨挑留苗兵前經奏定每名日給稻穀雜糧一升口食原屬不敷內有習於耕作者尙可佃田貼補其有身力强壯搜捕勇往而於農務未諳者尙須加給口糧如遇操演調用所需子藥火繩號衣號帽等項亦應預爲置辦現在苗弁等項感

皇仁情殷報效願將自己業田呈出并查出各寒苗人歷年爭佔田土因真心向化不欲仍留衅隙一并呈請歸公現共呈田土七

千餘畝應仍令苗人佃種征租責成苗弁妥爲經管豐稔之年可收稻穀五千餘石擬於苗兵內察其平日出力實在不習耕作者一千名每名日加給稻穀雜糧一升以果其腹歲需三千六百餘石其餘一千四百石并爲酌製子藥號衣號帽等項貯官局凡遇操演調道該苗備弁稟請該管廳縣給發隨用隨繳其所加口糧及製辦各項經費按年核實造報等語<sub>臣</sub>等查各廳縣挑留苗兵五千名原奏每名日給口糧一升本屬不敷內有力能耕作者可以佃田貼補而務農未諳者原應加給口糧如遇操演所需火藥等項亦應預爲置辦據該撫等聲稱各寨苗人呈出田七千餘畝仍令佃種可收稻穀雜糧五千餘石擬於苗兵內將搜捕勇往不習耕作者每名日加穀糧一升歲

需三千六百畝其餘酌製子藥號衣號帽等項應如該撫等所  
奏辦理仍將呈出田畝每年徵租數目及挑出苗兵花名加給  
口糧製辦經費按年分晰造具細冊報部查核

奏籌補苗兵閏月口糧紀畧

嘉慶十年

查古丈坪廳苗兵一百名業經派令苗備弁官帶每苗守備一名同苗千總把總外委等共帶一二百名不等各於該管各寨要地巡查防守遇有追捕勦辦等事聽候調用其苗人應繳租糧必需公所存貯現苗守備踴躍從事於各苗寨內自行擇地建倉以備收貯每倉由苗備弁公同議舉誠謹殷實苗弁二三名專司催收支放計撥給良苗佃種田地按照苗例田畝納租穀三分山地納雜糧一成五分每苗兵一名歲給口糧三石六斗餘口糧外計尙餘有籽粒穀石查苗疆山多田少收成本薄設遇水旱歉收即恐收租短少不敷支放應將豐年所收餘糧積存苗倉以備撥補而免缺乏并爲加給苗兵閏月口糧之需仍除該苗備弁將每年所

得租數據實具報除苗兵應得口糧按月支給外計每年餘糧若干按年造冊具報廳道隨時查察倘經管苗弁有虛捏侵扣情弊即嚴行究辦自此苗兵得有租糧不致失所於安邊大局益資經久矣

苗夫當差定章

節錄道光元年辰沅道應  
增應禁事宜第四條內開

趙文在

查苗民充應夫役前督撫提會籌發章程內凡文武大小官員因公往來巡查經□苗地需用人夫該苗弁卽傳所管苗人與漢人一體當差聽候發價嗣嘉慶十四年傅臬司恐將來兵役人等有假充官差或官員往來非因公者一律應付未免滋邊請禁止擅田苗夫在案職道等查前憲所定章程其時苗人甫經投誠所有官員均由沿邊民地行走并無經行苗地之人故無苗人受雇之事自十年勦辦永綏匪寨苗衆懽服文武往來始經苗地因援例索夫而苗人之往來遞送遂多絡繹不絕傅臬司深以此例爲苗病是以詳定章程稍紓苗刀細思苗天一項向係挨站遞送凡遇一官經過則數十里之內苗天均按應行更替地段齊候道傍如

用十名計沿途靜候者數百人若官傳諭已發而又因事遲延數日而沿途苗天亦曠工靜候所定價值每里給錢一文而得領者亦少更有沿途夫來稍遲或來不敷用則無論何寨何項苗人概拏頂充似此一官經過使數百人枵腹沿途誤于耕作擾苗之事莫此爲甚前傅臬司所定章程各官因公雇用苗夫應報明該管鎮將道廳縣給發印照方准雇喚如果遵行辦理苗人之應付尙有息雇之時第日久弊生動用苗夫之印照又將以爲酬應人情之私券職道廉知此弊當飭各廳縣并出示甲明舊例云云